

Conairí

Dara Bliain
Aonad 1: Cineálacha Clisteachta

2024



Díol spéise daoibh, a mhúinteoirí:

Is é aidhm aonaid Pathways scoláirí ó chúlraí éagsúla a spreagadh chun smaoineamh ar a roghanna gairme, ar an bpróiseas cinnteoireachta gairme agus smaoineamh go háirithe ar an teagasc mar shlí bheatha inmhianaithe.

Is tionscnamh de chuid an Tionscadail Conaire iad na haonaid seo, arna maoiniú ag an Údarás um Ard-Oideachas (ÚAO), atá lonnaithe san Institiúid Oideachais, Ollscoil Chathair Bhaile Átha Cliath (OCBÁC).

Tá 3 aonad ann le haghaidh scoláirí an dara bliain, a mhaireann thart ar 2 uair an chloig an ceann.

- Aonad 1: Cineálacha clisteachta
- Aonad 2: Foireann uirlisí oideachasóra
- Aonad 3: Ar an gcás

Roinnt pointí tábhachtacha maidir leis an gcaoi a n-oibríonn aonaid Conairí:

- Tá na sleamhnáin réidh le húsáid sa seomra ranga.
- Tá teacht ar nótaí an mhúinteora chomh maith le treoir céim ar chéim do na gníomhaíochtaí ar gach sleamhnán sa PDF a ghabhann leis seo.

- Tá sé tábhachtach sleamhnáin a thaispeáint sa mhodh léirithe (mura moltar a mhalairt a dhéanamh sna i nótaí an mhúinteora), ós rud é go mbraitheann roinnt gníomhaíochtaí ar bheochan. Más amhlaidh go bhfuil beochan ar shleamhnán, cuirfear é sin in iúl i nótaí an mhúinteora.
- Nuair is i gcló iodálach atá téacs i nótaí an mhúinteora, tugann sé sin le fios gur cheart don mhúinteoir é a úsáid le linn bheith ag caint le scoláirí; aon uair nach bhfuil an téacs i gcló iodálach, d'fhéadfaí glacadh leis gur treoir atá ann don mhúinteoir amháin.
- Is beag ullmhúchán atá ag teastáil ar ábhair. Ó am go chéile, agus ag brath ar do chuid scoláirí, tá de rogha agat fótachóip a dhéanamh de na sleamhnáin roimh an rang. Más gníomhaíochtaí iad atá ullmhú le déanamh ina leith roimh ré, cuirfear é in iúl duit ar Shleamhnán 2 agus sna nótaí sleamhnáin.

Go raibh maith agat as triail a bhaint as na haonaid Conairí!

Aonad 1: Scileanna agus Buanna Faoi Cheilt

Fad: Thart ar 2 uair a chloig

Cuspóirí foghlama molta

Táimid ag foghlaim conas...

- ár gcineálacha éagsúla éirimí a aithint
- dúshlán a chur romhainn chun réimse éirimí a fhorbairt nó a neartú
- na háiteanna a aithint inar féidir linn ár n-éirimí a chleachtadh nó a neartú ar scoil
- naisc a dhéanamh idir ár n-éirimí agus poist/gairmeacha amach anseo
- anailís a dhéanamh ar ghníomhaíochtaí le haghaidh deiseanna chun éirimí éagsúla a chomhtháthú

Sleamhnáin	Gníomhaíocht	Cad a bheidh ar bun againn?
3		Réamheolas ar na deilbhíní
4-12	1	Teoiric na n-lléirimí de chuid Gardner a phlé agus féin-mheasúnú a dhéanamh chun ár n-éirimí féin a aithint. NB: Cóipeanna den fhéin-mheasúnú a phriontáil roimh ré
13-14	2	Dúshlán a chur romhainn féin chun tasc a dhéanamh a bhraitheann ar éirimí aonair
15	3	Conas a bhainistíonn múinteoirí na cineálacha éagsúla éirimí sa rang a phlé
16	4	Naisc a dhéanamh idir na cineálacha éagsúla éirimí, an méid a dhéanaimid ar scoil agus poist/gairmeacha féideartha amach anseo
17	5	Machnamh a dhéanamh ar an bhfoghlaim san aonad seo agus anailís a dhéanamh ar an modheolaíocht machnaimh le haghaidh deiseanna chun freastal ar na cineálacha éagsúla éirimí
18	6	Ag seiceáil isteach leis na cuspóirí foghlama
19	Ceacht le cois	Teastais a chruthú chun ár gcineálacha clisteachta a aithint

Táscairí Folláine

- Athléimneach
- Nasctha
- Ardmheas
- Feasach


Eochairsbileanna

- Léamh agus scríobh a bheith agat
- Mé féin a bhainistiú
- Ag fanacht ar fónamh
- Faisnéis agus smaoineamh a bhainistiú
- A bheith uimheartha
- A bheith cruthaitheach
- Ag obair le daoine eile
- Cumarsáid

Aonad 1, Réamheolas



Haigh, is mise Sara.
Deas buaileadh leat!

Tá mé anseo le hinsint duit go mbainimid úsáid as deilbhíní (na pictiúir bheaga thíos) san aonad seo. Cuideoidh siad sin leat an méid a bheidh á dhéanamh agat le linn na ngníomhaíochtaí éagsúla a thuiscint. Bain sult as (agus bí ag foghlaim)! 



Obair aonair



Léamh



Obair Beirte



Láithreoireacht
a dhéanamh



Obair ghrúpa




Gníomhaíocht
le cois



Plé ranga

SLEAMHNÁN 3



SLEAMHNÁN 4

Nótaí an mhúinteora

Síceolaí Meiriceánach is ea Howard Gardner (1943-) a d'oibrigh i Scoil Oideachais Harvard. Tá an-spéis aige sa chaoi a n-oibríonn an inchinn. Níor cheap sé gur bhealach maith iad na tástálacha éirime a bhí ann cheana féin chun cumas daoine a thomhas. Cheap sé go raibh siad róchúng agus gur cuireadh an cheist mhícheart – thomhaistí a chliste nó a éirimiúla is a bhí duine, ach cheap Gardner gurbh fhearr tomhas a dhéanamh ar an gcineál clisteachta nó éirime atá ag an duine. Chum sé teoiric ar a dtugtar teoiric na n-lléirimí. Dúirt sé go bhfuil 8 n-éirim nó bealach foghlama agus teacht chun feasachta ann.

Léigh os ard na 8 gcineál éirime, mar seo a leanas:

- *Clisteacht Coirp (ar a dtugtar Éirim Chorp-chinéistéiseach freisin)*
- *Clisteacht Focal (ar a dtugtar Éirim Bhriathartha-Theangeolaíoch freisin)*
- *Clisteacht Daoine (ar a dtugtar Éirim Idirphearsanta freisin)*
- *Féinchlísteacht (ar a dtugtar Éirim Idirphearsanta freisin)*
- *Clisteacht Éisteachta (ar a dtugtar Éirim an Cheoil freisin)*
- *Clisteacht Íomhá (ar a dtugtar Éirim Amharcspásúil freisin)*
- *Clisteacht Loighce (ar a dtugtar Éirim Loighciúil-Matamaiticiúil freisin)*
- *Clisteacht Nádir (ar a dtugtar Éirim Nádiraíoch freisin)*

- *I mbeirteanna, pléigh na tréithe a d'fhéadfadh a bheith ag duine a bhfuil gach ceann de na cineálacha éagsúla éirimí seo acu. Cad é aige a mbeadh siad maith? Conas an bealach is fearr foghlama a bheadh acu?*

Nuair a bhíonn tú ag gabháil d'fhoghlaim a úsáideann faisnéis nó cineál éirime a bhfuil tú go maith aige, mothaíonn tú spreagtha, bíonn suim agat, agus bíonn tú in ann aird a dhíriú, bíonn tuiscint níos fearr agat, agus bíonn níos mó seans ann go gcuimhneoidh tú ar an méid a fhoghlaimíonn tú.

Agus tú ag obair i d'aonar, glac nóiméad chun smaoineamh ar na 2-3 chineál clisteachta (éirime) is láidre a mbaineann leat - scríobh síos iad sin agus coinnigh in áit shábháilte iad.

Ar mhaith leat foghlaim faoin gcineál clisteachta atá agat? Cén fáth?

Déanfaimid féinmheasúnú Cineálacha Clisteachta anois, ionas go mbeidh cur amach againn ar na cineálacha clisteachta a mbaineann linn féin.

Déan cóipeanna de na Cineálacha Clisteachta a roinnt nó a thabhairt amach: Féinmheasúnú (ar fáil i bhfillteán Pathways, aonad 1 an dara bliain) do gach scoláire.

Tá 10 ráiteas san Fhéinmheasúnú le haghaidh gach cineál clisteachta. Léigh gach ráiteas, ansin roghnaigh go tapa an bhfuil siad fíor nó bréagach. Ná déan dianmhachnamh air – roghnaigh an chéad smaoineamh a ritheann leat – ach bí chomh ionraic agus is féidir agus sibh ag freagairt na gceisteanna le go bhfaighidh sibh toradh cruinn. Déan iarracht gan aon cheist a fhágáil gan fhreagra.

I gcás gach cineál Clisteachta, déan nóta de líon iomlán na ráiteas ar chuir tú tic fíor leo.

Tabhair dóthain ama do na scoláirí chun an Féinmheasúnú a dhéanamh, ansin déan plé leis an rang iomlán agus tú ag baint úsáid as na leidcheisteanna seo a leanas:

- *An bhfuil na 2-3 toradh is fearr agat ag teacht leis an méid a thuar tú sula ndearna tú an féinmheasúnú?*
- *Cad é a léiríonn sé sin faoin tuiscint atá agat ar do chumas/d'éirim féin?*
- *Cad é a d'fhoghlaim tú faoi iléirimí tar éis an féinmheasúnú a dhéanamh?*

Is dócha gur thug tú faoi deara go raibh cosúlacht éigin idir na ráitis féinmheasúnaithe agus na cineálacha éagsúla éirimí. Tá sin amhlaidh toisc go gclúdaíonn siad an tábhar céanna, agus is minic a úsáidimid níos mó ná éirim amháin ag an am céanna.

Agus muid ag dul tríd an eolas ar an gcéad chúpla sleamhnán eile, féach cé acu atá ag teacht le do chineál clisteachta féin sa chur síos ar na 8 gcineál clisteachta. Cé go bhfuil clonadh nádúrtha ionat i leith cineálacha áirithe clisteachta, níl aon chúis ann nach féidir

leat feabhas a chur ar na 8 n-éirim. Dúirt an saoi, Albert Einstein, 'Is é an cumas athrú tomhas na héirime'. Níl san fhéinmheasúnú ach léargas ar do chumas faoi láthair, mar sin tabhair aird ar aon leideanna nó bealaí a d'fhéadfadh cabhrú leat do chlisteacht a fhorbairt le himeacht ama.



Daoine a bhfuil Clisteacht Coirp acu...



- úsáideann siad an corp ar fad nó cuid den chorp chun rudaí a chruthú nó fadhbanna a réiteach
- tá smacht maith acu ar a ngluaiseachtaí coirp agus cumas acu earraí a láimhseáil le scil
- baineann siad taitneamh as aclaíocht, m.sh. spórt agus damhsa
- úsáideann siad a gcorp chun cumarsáid a dhéanamh – foghlaimíonn siad trí mhothú a gcoirp, is maith leo teagmháil a dhéanamh, a lámha a chur ar rudaí agus bualadh
- is maith leo rolimirt, ionsamhluithe, aclaíocht
- caithfidh siad a bheith ag bogadh nó bíonn leadrán orthu mura bhfuil páirt ghlactha acu go gníomhach

SLEAMHNÁN 5

Nótaí an mhúinteora

Cuir ceist ar an rang an bhfuil aon duine sásta na pointí ar an sleamhnán a léamh os ard.

Cuimhnigh, beag beann ar an scór Féinmheasúnaithe a fuair tú sa Chlisteacht Coirp, is féidir an cineál seo éirime a fhorbairt.



Daoine a bhfuil Clisteacht Focal acu...



- is cumarsáidithe maithe iad a dhéanann ciall as an saol trí theanga
- tá siad íogair ó thaobh fuaimeanna, rithimí agus ciall focal de
- is maith leo a bheith ag argóint, ag díospóireacht, rudaí a chur ina luí ar dhaoine agus scéalta a insint
- is maith leo a bheith ag léamh, ag scríobh agus ag éisteacht
- is maith leo a bheith ag scríobh scéalta, ag insint scéalta grinn
- tá siad go maith ag cáipéisí Word a scríobh
- is maith leo tomhais focal, m.sh. crosfhocail agus anagram

SLEAMHNÁN 6

Nótaí an mhúinteora

Cuir ceist ar an rang an bhfuil aon duine sásta na pointí ar an sleamhnán a léamh os ard.

Cuimhnigh, beag beann ar an scór Féinmheasúnaithe a fuair tú sa Chlisteacht Focal, is féidir an cineál seo éirime a fhorbairt.



Daoine a bhfuil Clisteacht Daoine acu...



- tá siad íogair ó thaobh giúmair, mothúcháin, spreagadh agus foinn daoine eile de
- tá cumas éisteachta maith acu
- tá siad go maith ag daoine a mheas
- oibríonn siad go héifeachtach i bhfoireann nó i ngrúpa
- éistean siad go héifeachtach, déanann siad idirbheartaíocht, tá siad in ann coimhlíntí a láimhseáil agus éiríonn siad go maith le daoine éagsúla
- is maith leo daoine a bheith in éineacht leo agus iad ag déanamh gníomhaíochtaí nó ag foghlaim

SLEAMHNÁN 7

Nótaí an mhúinteora

Cuir ceist ar an rang an bhfuil aon duine sásta na pointí ar an sleamhnán a léamh os ard.

Cuimhnigh, beag beann ar an scór Féinmheasúnaithe a fuair tú sa Chlisteacht Daoine, is féidir an cineál seo éirime a fhorbairt.



Daoine a bhfuil Féinchlisteacht acu...



- tugann siad a mothúcháin féin faoi deara
- is féidir leo a bheith ceandána, féinmhuinéach, agus tuairimí dearfa, dea-ullmhaithe acu
- is féidir ardleibhéal féinmheasa a bheith acu
- tuigeann siad a láidreachtaí féin
- is minic a thaitníonn leo a bheith ag obair leo féin
- smaoiníonn siad ar an smaointeoireacht
- tá siad spreagtha as a stuaim féin seachas a bheith spreagtha mar gheall ar fhaomhadh daoine eile
- tagann daoine eile chucu chun comhairle a fháil

SLEAMHNÁN 8

Nótaí an mhúinteora

Cuir ceist ar an rang an bhfuil aon duine sásta na pointí ar an sleamhnán a léamh os ard.

Cuimhnigh, beag beann ar an scór Féinmheasúnaithe a fuair tú san Fhéinchlisteacht, is féidir an cineál seo éirime a fhorbairt.



Daoine a bhfuil Clisteacht Fuaime acu...



- déanann siad ciall a chruthú, a chur in iúl agus a thuiscint trí fhuaim
- is breá leo an ceol agus patrúin rithimeacha
- tá meas acu ar an gceol agus bíonn cumas ceoil maith acu go minic
- tá siad íogair ó thaobh fuaimeanna sa timpeallacht de
- is féidir leo séis a athchruthú tar éis é a chloisteáil uair amháin
- is maith leo nuair a bhíonn ceol ar siúl sa chúlra agus iad ag obair
- is féidir leo scileanna a bheith acu maidir le haithris a dhéanamh ar fhuaimneanna, teanga agus canúintí

SLEAMHNÁN 9

Nótaí an mhúinteora

Cuir ceist ar an rang an bhfuil aon duine sásta na pointí ar an sleamhnán a léamh os ard.

Cuimhnigh, beag beann ar an scór Féinmheasúnaithe a fuair tú sa Chlisteacht Éisteachta, is féidir an cineál seo éirime a fhorbairt.



Daoine a bhfuil Clisteacht Íomhá acu...



- is minic a smaoiníonn siad in íomhá nó pictiúir
- bíonn samhlaíocht mhaith acu
- tuigeann siad earraí, cruthanna, dathanna agus patrúin
- tugann siad eolas físiúil agus spásúil faoi deara
- is maith leo a bheith ag tarraingt, ag péinteáil, ag déanamh dearaí agus patrún suimiúil
- is breá leo míreanna mearaí, léarscáileanna a léamh agus a bheith ag brionglóideach
- is minic a bhíonn tuairimí láidre acu maidir le meascáin dathanna agus uigeachta

SLEAMHNÁN 10


Nótaí an mhúinteora

Cuir ceist ar an rang an bhfuil aon duine sásta na pointí ar an sleamhnán a léamh os ard.

Cuimhnigh, beag beann ar an scór Féinmheasúnaithe a fuair tú sa Chlisteacht Íomhá, is féidir an cineál seo éirime a fhorbairt.



Daoine a bhfuil Clisteacht Loighce acu...



- tuigeann siad cúrsaí teibí
- tá an cumas acu patrúin loighciúla agus uimhriúla a aithint
- is maith leo turgnamh a dhéanamh agus tomhais a réiteach
- is maith leo a bheith ag obair le huimhreacha agus foirmlí
- is maith leo scarbhileoga agus bunachair sonraí
- tá siad eagraithe sa chaoi a ndéanann siad anailís ar faisnéis
- tá siad go maith ag fadhbanna a aithint agus réitigh a aimsiú
- iarrann siad go minic 'Conas?' agus 'Cén fáth?'

SLEAMHNÁN 11

Nótaí an mhúinteora

Cuir ceist ar an rang an bhfuil aon duine sásta na pointí ar an sleamhnán a léamh os ard.

Cuimhnigh, beag beann ar an scór Féinmheasúnaithe a fuair tú sa Chlisteacht Loighce, is féidir an cineál seo éirime a fhorbairt.



Daoine a bhfuil Clisteacht Nádúir acu...




- is minic a bhíonn siad íogair ó thaobh an nádúir agus fheidhmiú an domhain de
- tugann siad tréithe agus patrúin na timpeallachta faoi deara
- is maith leo a bheith ag bailiú earraí ón dúlra, staidéar a dhéanamh orthu agus iad a chur i ngrúpaí
- caitheann siad go leor ama taobh amuigh sa dúlra
- is maith leo a bheith ag spaisteoireacht, ag siúlóireacht agus ag campáil
- gníomhaíonn siad chun aird a thabhairt don timpeallacht

SLEAMHNÁN 12

Nótaí an mhúinteora

Cuir ceist ar an rang an bhfuil aon duine sásta na pointí ar an sleamhnán a léamh os ard.

Cuimhnigh, beag beann ar an scór Féinmheasúnaithe a fuair tú sa Chlisteacht Nádúir, is féidir an cineál seo éirime a fhorbairt.



Clisteacht Coirp

Déan rud éigin as páipéar (agus páipéar amháin). Mar shampla, cluiche nó créatúr oragámaí.

Clisteacht Focal

Scríobh script beag do réamhaisnéis na haimsire amárach.

Clisteacht Daoine

Bíodh deis ag gach duine caitheamh aimsire atá agat a mhíniú don chuid eile den ghrúpa.

Féinchlisteacht

Samhlaigh/Smaoinigh ar do chéad lá sa mheánscoil... do chuid éadaí, mothúchán, na dúiche mórthimpeall ort srl. Déan machnamh ar an eispéireas seo go CIÚIN.

SLEAMHNÁN 13

Nótaí an mhúinteora (*Clliceáil le haghaidh 1 bheochan)

Roinn an rang in 8 ngrúpa, ceann amháin le haghaidh gach iléirime.

Ag brath ar an rang, d'fhéadfá cinneadh a dhéanamh scoláirí a scaradh go randamach nó (go hidéalach) iarraidh ar na scoláirí dul chuig an ngrúpa a léiríonn an scór Féinmheasúnaithe is ísle atá acu.

Is annamh a bhainimid úsáid as éirim amháin as féin, ach sa ghníomhaíocht seo, déanfaimid iarracht é sin a dhéanamh. Tá tasc ag gach grúpa atá dírithe ar chineál áirithe clisteachta a úsáid nó a ghníomhachtú.

* **Clliceáil** chun na tascanna do na grúpaí Coirp, Focal, Daoine agus Féinchlisteachta a thaispeáint

Déan cinnte go ndéanann duine éigin cóip den tasc do do ghrúpa.

Téigh go dtí an chéad sleamhnán eile chun na tascanna le haghaidh na ngrúpaí Éisteachta, Íomhá, Loighce agus Nádúir a fheiceáil.



Clisteacht Fuaim

Cum rap nó amhrán chun cur síos a dhéanamh ar an gcaoi a dtagann sibh go léir chun na scoile ar maidin.

Clisteacht Íomhá

Bíodh deis ag gach duine scéalta a insint le húsáid a bhaint as íomhánna. Mar shampla, líníochtaí, meabhairmhapaí srl.

Clisteacht Loighce

Bí ag obair le chéile chun 45 a athscríobh le húsáid a bhaint as 4í amháin.
Ní féidir leat iolrú nó dealú

Clisteacht Nádúir

Bain úsáid as tagairtí d'earraí ón nádúr chun cabhrú leat cur síos a dhéanamh ar smaoineamh nó coincheap a bhaineann le ceann dá ábhar eile.

SLEAMHNÁN 14

Nótaí an mhúinteora (*Clliceáil le haghaidh 1 bheochan)

* **Clliceáil** chun na tascanna le haghaidh na ngrúpaí Éisteachta, Íomhá, Loighce agus Nádúir a fheiceáil

Déan cinnte go ndéanann duine éigin cóip den tasc do do ghrúpa.

Tabhair dóthain ama do na scoláirí a gcuid tascanna a dhéanamh. Is féidir leis na scoláirí a chríochnaíonn go luath tasc eile a dhéanamh (is dócha gur scoláirí iad sin sa ghrúpa Féinchlisteachta).

Nuair a bheidh na tascanna críochnaithe acu, tabhair cúpla nóiméad do na scoláirí cur i láthair gearr a ullmhú mar fhreagra ar na ceisteanna seo a leanas:

- *Conas mar a d'éirigh leat leis an tasc seo?*
- *Cad é a cheapann tú faoi fhoghlaim leis an gcineál seo clisteachta?*

An bhfuil do ghairm mar mhúinteoir mar a cheap tú a bheadh ann?



Cheap mé mura raibh tú ag caint, ní raibh tú ag múineadh. Cheap mé dá mba rud é go dtiocfadh duine éigin isteach agus nach raibh mé ag caint, bhreathnaigh sé nach raibh aon rud ar siúl agam. Is turas í an mhúinteoireacht i ndáiríre. Anois, dirím níos mó ar an machnamh agus iarraim ar scoláirí a gcuid foghlama féin a chur ar aghaidh.



Tá réimse leathan scoláirí agam. Rud amháin a chaithim a dhéanamh ná a bheith in ann freastal ar gach foghlaimeoir sa rang. Déanaim iarracht céim siar a ghlacadh agus iad a éascú chun foghlaim.



SLEAMHNÁN 15

Nótaí an mhúinteora

Léigh os ard an tagairt ar an sleamhnán.

Déan plé ranga uile a éascú, ag baint úsáide as na ceisteanna seo a leanas mar leideanna:

- *Cad iad an dá phríomhphointe a rinne an múinteoir Sara ina freagra ar an gceist an bhfuil an teagasc mar a cheap sí a bheadh sé?*
- *Cad é nó cé a chabhraigh le Sara tuiscint níos fearr a fháil ar an mhúinteoireacht sula ndearna sí an cinneadh a bheith ina múinteoir?*
- *Cén cineál clisteachta (éirime) atá ag múinteoir a labhraíonn go leor?*
- *Cén cineál clisteachta (éirime) atá ag scoláire a fhoghlaimíonn go maith nuair a bhíonn múinteoir ag labhairt? Cén fáth?*
- *An dóigh leat go labhraíonn múinteoirí maithe go leor sa rang? Cén fáth?*
- *D'athraigh Sara an bealach a mhúineann sí thar na blianta. An gceapann tú gur éirigh sí níos fearr ag a post? Cén fáth?*
- *An gceapann tú go bhfuil sé éasca nó deacair 'na foghlaimeoirí ar fad' sa rang a mhúineadh ag an am céanna? Cén fáth?*
- *Cén chomhairle a chuirfeá ar Shara chun cabhrú léi 'na foghlaimeoirí ar fad' a mhúineadh lena gcineálacha éagsúla éirimí?*
- *Deir Sara gur turas í an mhúinteoireacht – cad é a cheapann tú atá i gceist aici?*
- *An aontaíonn tú gur turas í an mhúinteoireacht?*

- *An dóigh leat gur turas í an fhoghlaim freisin? Cén fáth?*

NB: Ag brath ar an rang, thiocfadh leis seo a bheith ina dheis iontach rud éigin a roinnt faoi d'eispéiris foghlama agus teagaisc féin agus iarraidh ar na scoláirí a rá conas a d'athraigh siad féin mar fhoghlaimeoirí le himeacht ama.

Aonad 1, Gníomhaíocht 4: Bileog Oibre

Cineálacha clisteachta	Ábhair nó cúrsaí gearra ina n-úsáidimid cheana féin nó inar féidir linn an cineál clisteachta seo a úsáid nó a fhorbairt i <u>ndáiríre</u>	Gníomhaíochtaí traschuraclaim nó seach-churaclaim ina n-úsáidimid cheana féin nó inar féidir linn an cineál clisteachta seo a úsáid nó a fhorbairt i <u>ndáiríre</u>	Gairmeach nó slite beatha a théann leis an gcineál clisteachta seo
Clisteacht Coirp			
Clisteacht Focal			
Clisteacht Daoine			
Féinchlisteacht			
Clisteacht Fuaim			
Clisteacht Íomhá			
Clisteacht Loighce			
Clisteacht Náduithe			
Cineálacha clisteachta eile...			



SLEAMHNÁN 16

Nótaí an mhúinteora

NB: Ag brath ar an rang, d'fhéadfá a iarraidh ar na scoláirí an tábla ar an sleamhnán a chóipeáil isteach ina gcóipleabhar agus an bhileog oibre a líonadh ina n-aonar/ina mbeirteanna, nó d'fhéadfá an ghníomhaíocht seo a dhéanamh leis an rang iomlán agus freagraí na scoláirí a chur isteach sa tábla leis an sleamhnán sa ghnáthmhodh.

Tá spás ag bun an tábla le haghaidh 'cineál eile clisteachta.' B'fhéidir gur mhaith leis na scoláirí rud éigin a bhraitheann siad nach bhfuil clúdaithe ag Teoiric na nlléirime de chuid Gardner a scríobh ansin.


Nuair a bheidh an tábla líonta, tosaigh plé leis an rang iomlán ag baint úsáid as na ceisteanna seo a leanas mar leideanna:

- *Cad é, más rud ar bith, a chuireann iontas ort sa tábla? Cén fáth?*
- *Cad é an tsraith ab éasca a líonadh? Cén fáth?*
- *An bhfuil aon rud a bhí deacair a líonadh? Cén fáth?*
- *An bhfuil naisc idir cineál clisteachta atá ina thréith láidir ionat agus ábhar nó gearrchúrsa atá an-suimiúil/taitneamhach duit?*
- *An bhfuil naisc idir cineál clisteachta atá ina thréith láidir ionat agus gníomhaíochtaí traschuraclaim nó seach-churaclaim ar scoil atá ansuimiúil/taitneamhach duit?*

- *An bhfuil naisc idir cineál clisteachta atá ina thréith láidir ionat agus post nó gairm bheatha a cheapann tú a mbeadh suim agat ann agus a mbainfeá taitneamh as?*

Cad a d'fhoghlaim tú tríd an ngníomhaíocht seo a dhéanamh?

Tuilleadh...



Lúide...



SLEAMHNÁN 17

Nótaí an mhúinteora (*Clliceáil le haghaidh 1 bheochan)

Roinn an rang i mbeirteanna.

Iarr ar gach beirt cóipleabhar nó píosa páipéir a fháil agus a choinneáil i bhformáid tírdhreacha (mar atá sa sleamhnán).

Tarraing líne síos lár an leathanaigh agus scríobh 'Níos mó...' ar thaobh na láimhe clé agus 'Níos lú...' ar thaobh na láimhe deise.

Cuir i gcuimhne don rang cad é a chlúdaigh siad san aonad seo, mar seo a leanas:

D'fhoghlaimíomar faoi theoiric na n-iléirimí de chuid Gardner, smaoiníomar ar an gcaoi a dtéann sé i bhfeidhm orainn anois agus ar an gcaoi a rachaidh sé i bhfeidhm orainn amach anseo agus thosaíomar ag smaoineamh ar an tionchar a bhíonn aige ar an rang nuair a phleanálann múinteoirí le haghaidh na gcineálacha éagsúla clisteachta in aon rang ar leith. D'oibrigh sibh in bhur n-aonar, i mbeirteanna, i ngrúpaí beaga agus mar rang iomlán. Phléigh sibh, léigh sibh, scríobh sibh agus rinne sibh cur i láthair. Agus anois tarraingeoidh sibh!

Tosóimid ag smaoineamh ar na rudaí a thaitin leat a fhoghlaim nó a dhéanamh san aonad seo.

Déan iad seo a roinnt le do phéire, más féidir, agus mínigh cén fáth ar thaitin na gnéithe seo den aonad leat.

Sa cholún 'Níos mó...', tarraing deilbhíní nó siombailí chun gach ceann de na rudaí a thaitin leat a léiriú. Ní gá gur píosa ealaíne iontach é ach go díreach go n-aithneoidh tú féin é.

Anois, smaoinigh ar na rudaí nár thaitin leat a fhoghlaim ná a dhéanamh san aonad seo.

Abair iad sin le do phéire, más féidir, agus mínigh cén fáth nár thaitin na gnéithe sin den aonad leat. .

Sa cholún 'Níos lú...' Tarraing deilbhíní nó siombail chun ionadaíocht a dhéanamh do na nithe seo.

*** Clliceáil** chun na deilbhíní don 8 gclisteacht a thaispeáint

Cuir tús le plé gearr ranga, mar seo a leanas:

- *Cad iad na cineálacha clisteachta ar labhair muid fúthu sa ghníomhaíocht 'Níos mó... nó Níos lú...'? [Freagraí féideartha: Clisteacht Daoine (toisc gur oibrigh muid i mbeirteanna), Féinchlisteacht (toisc go raibh orainn rudaí a aithint ar bhain muid taitneamh astu nó nár bhain), Clisteacht Íomhá (toisc go raibh muid ag tarraingt)]*
- *An féidir leat smaoineamh ar bhealach ar bith a bhféadfaí an ghníomhaíocht 'Níos mó ... nó Níos lú...' a chur in oiriúint chun cineálacha eile clisteachta a thabhairt isteach?*

Má thagann scoláirí ar smaointe chun an mhodheolaíocht le haghaidh cineálacha breise éirime a chur in oiriúint, mol iad agus fiafraigh díobh ar smaoinigh siad riamh ar an múinteoireacht mar shlí bheatha.

Aonad 1, Ag seiceáil isteach leis na cuspóirí foghlama



Haigh arís!
Conas mar a d'éirigh leat le hAonad 1?

Ar fhoghlaim tú conas...?

- ár gcineálacha éagsúla éirimí a aithint
- dúshlán a chur romhainn chun réimse éirimí a fhorbairt nó a neartú
- na háiteanna a aithint inar féidir linn ár n-éirimí a chleachtadh nó a neartú ar scoil
- naisc a dhéanamh idir ár n-éirimí agus poist/gairmeacha amach anseo
- anailís a dhéanamh ar ghníomhaíochtaí le haghaidh deiseanna chun éirimí éagsúla a chomhtháthú

SLEAMHNÁN 18

Nótaí an mhúinteora

Léigh gach intinn foghlama os ard.

Iarr ar na daltaí ordóg a thabhairt duit má bhraitheann siad go bhfuil an rún foghlama bainte amach acu, ordóg anuas má tá tacaíocht fós ag teastáil uathu agus dorn mura bhfuil siad cinnte.

Aonad 1, Gníomhaíocht le cois



Seo smaoiniamh duit.

Agus leas a bhaint as do chuid foghlama san aonad seo, cruthaigh do 'Theastas Clisteachta' féin, teastas a thaispeánann do chuid clisteachtaí agus conas mar a úsáidtear iad sa scoil.

Is féidir leat:

- Teicneolaíocht a úsáid nó do 'Theastas Clisteachta' a dhearadh de lámh
- Iarr ar múinteoir amháin nó níos mó do 'Theastas Clisteachta' a shíniú
- Taispeáin do 'Theastas Clisteachta' críochnaithe sa bhaile

Coinnigh do Theastas Clisteachta sábháilte – b'fhéidir go n-úsáidfídh tú é sa ^{tríú} bliain má/nuair atá an chuid Réimse Eile Foghlama de chuid Phróifíl Ghnóthachtála na Sraithe Sóisearaí (PGSS) atá agat curtha i gcrích agat.



SLEAMHNÁN 19

Nótaí an mhúinteora

Tá an ghníomhaíocht bhreise a mholtar ar an sleamhnán seo nasctha le Gníomhaíocht 1 (Sleamhnán 4) agus Gníomhaíocht 4 (Sleamhnán 16).

Tionscadal Conaire
Institiúid Oideachais
Ollscoil Chathair
Bhaile Átha Cliath



HEA HIGHER EDUCATION AUTHORITY
AN ULLEAGAS UCHTAIR AGUS OIDEACHAIS